

Amentu pro Montanaru

In Desulo bi est lughente faru
sa candela fit pro su desulesu
su famosu poette Montanaru

Sos paesanos aiat cumpresu
consolende su mannu e su minore
sos faeddos poniat in su pesu

Cust'omine balente e de onore
chi pro sa zente sua at cantadu
ca li teniat cura, che duttore

Como in bidida sua ana pensadu
a onorare su dottu poette
chi forte raighina b'at lassadu

'Su chi at sensu sanu e bi riflettet
ca cussa terra est dividida in trese
ma no bind'at de muru, • mancu rette

Comente frade desulesu sese
Desulo divisa no asa esser mai
si no ti pones trobeas in pese

Non ti ponzas sa vida in'orguai
amentadi ses de razza barbaracina
si faghes cuss'isbagliu ahi ahi

Sa cussienza tenides ladina
azis vantu de bonos cristianos
pregade sempre sa manu divina
bos saludat su ezzu de Silanos.

Su Bufularzu

BARRANCA NICOLA
ICUESIAS